



李麗珍(左)與李靖筠於戲中飾演母女。

「準新娘」衛詩雅前晚與周家怡出席電影首映禮，她自爆邀得家怡任婚禮姊妹，會叫未婚夫物色好男人做兄弟，屆時介紹給家怡認識，不過家怡自認不恨嫁，緣分要來便會來，更講笑已嫁給韓國男神金秀賢！

### 邀做婚禮姊妹有目的

# 衛詩雅介紹筍盤 周家怡驚爆「已婚」



李麗珍

、李靖筠、陳湛文、衛詩雅與周家怡等前晚出席英皇電影《望月》首映禮，英皇集團主席楊受成與太太專程撐場。明年下嫁圈外醫生男友的詩雅笑言有爆炸性消息宣布：「家怡應承咗做姊妹，因為我諗極都諗唔到邊位姊妹未結婚！」家怡即說：「其實你係咪想『潤』我？」詩雅解釋想介紹好仔仔給家怡：「已經夾定佢企邊度，我將個花球拋畀

佢，預留咗好多正嘢（兄弟）畀佢！」並叫家怡開擇偶條件，好讓她叫未婚夫篩選兄弟團。家怡笑言已嫁給韓國男神金秀賢：「一諗起佢就出晒汗，冇人可以敵得過佢，哈哈！」

家怡表示當過3次伴娘：「傳說做超過3次伴娘就嫁唔出，對上一次朋友提醒我千祈唔好再做伴娘。」問到有何擇偶條件？她笑言：「其實我唔係真係咁恨嫁，哈哈！（都想搵個伴？）冇乜所謂，嚟就嚟，唔嚟就由佢。（放棄自己？）唔會寫包單嚟嘅一定係好。」

### 李麗珍否認曾與王晶拍拖

戲中演媽媽的李麗珍，與飾演子女的李靖筠均表示沒有票房壓力，李靖筠笑言：「唔擔心票房，最重要係回本，相信應該冇難度，如果成績好就係Bonus！」問到若票房達標，會有什麼表示？陳湛文和李靖筠笑言現在流行表演直播吃東西，建議趁中秋直播

吃月餅和碌柚。問李靖筠會否派福利性感示人？她說：「着條短啲嘅裙。」

提到導演王晶早前在網上節目爆料，指2000年拍亞視劇時，有兩位女演員為他爭風呷醋，更發生掌摑事件，有網民猜測當事人是李麗珍與陳法蓉，李麗珍回應：「經歷咗咁多年風風雨雨，我都唔知乜嘢事，如果你哋知道話番畀我聽。」她指可能當時為了宣傳劇集，未必是真實故事。對於王晶表示曾跟事件其中一位女星短暫交往，因此才關照對方工作，她說：「個個梗係唔係我，佢同好多女星關係都好好，咁佢……都係唔好亂講。（否則佢要同好多女性合作？）係！」

楊受成率領台前幕後大合照。



衛詩雅(右)結婚當日，會將花球瞄準投給周家怡。



## 董瑋 伍允龍 劉俊謙 拍電影向武師致敬

董瑋、伍允龍及劉俊謙於新片《武替道》演繹武師界三代不同人物，向幕後勞苦功高的武師致敬。董瑋近年只在電影友情客串，今次他答應演出，全因劇本吸引。飾演過氣武指的他被問拍攝時會否特別感觸？他說：「成個故事畀我感覺係時代不斷進步，我哋要向前看，唔好食古不化。」他搭着伍允龍和劉俊謙的肩膊說：「靠佢咁喇！我睇過佢哋嘅《九龍城寨之圍城》，真係好嘢，有驚喜！」

伍允龍飾演動作巨星，有多場動作演出，他表示熱愛這個行業，今次講幕後英雄的辛酸故事，不論資源多少、幾多動作他都盡力去



董瑋(中)讚伍允龍(右)與劉俊謙都是可造之材。

拍。提到劉俊謙可以成為動作演員接班人，伍允龍笑言：「我要佢畀我機會呀！」飾演新晉武師的劉俊謙說：「因為時間唔夠，只練得幾次，但已令我呢個外行人入咗武師嘅世界，了解到更多。」

## 梁嘉莹 獲觀眾喜愛感鼓舞

港姐決賽將於周日舉行，昨日15位候選佳麗出席記者會，席上宣布網上觀眾投票「我最喜愛佳麗」暫時領先三甲，分別是(2)倪樂琳、(10)吳芷靖和(11)梁嘉莹，她們均表示信心大增。倪樂琳坦言享受比賽，暫時未覺緊張。吳芷靖稱能夠在票數上領先好開心，但因不想大家失望，所以都有壓力。梁嘉莹說：「好開心大家鍾意我呢種充滿陽光氣息嘅膚色，因為之前一直流行美白，咁依家我可以用呢種風格參選港姐，我真係好proud of自己。」



左起：倪樂琳、吳芷靖和梁嘉莹信心大增。

## 支譽儀三觀正確 不受引誘

《中年好聲音》歌手支譽儀昨日宣傳TVB Plus節目《我推的野男Live!》。提到多位《中年》歌手傳出負面新聞，問支譽儀可擔心形象受損？她說：「唔會，我會做好自己本分，其他人嘅私事，我就唔識得答。（覺得參賽者嘅關係好亂？）唔知，我嘅行程仲亂！」問到參賽期間可曾受過引誘？她說：「我係事業型媽媽，只係諗事業，其他唔會諗，非常之有邊界感，一嚟就擋擋擋，三觀要正確。老公當然信任我，我嚟一心只係想圓歌手夢。」



支譽儀擁美滿幸福家庭。